

ჩრდილოეთ ამერიკის ეპისკოპოსი, მეუფე საბა აცხადებს, რომ ნიუ იორკში მოღვაწე კიდევ ერთ ქართველ სასულიერო პირს კორონავირუსი დაუდასტურდა



ჩრდილოეთ ამერიკის ეპისკოპოსის, მეუფე საბას განცხადებით, ნიუ იორკში მოღვაწე კიდევ ერთ ქართველ სასულიერო პირს კორონავირუსი დაუდასტურდა. ეპარქიის მღვდელთმთავარმა განაცხადა, რომ კორონავირუსი ნიუ იორკში მოღვაწე მამა სპირიდონ ნარსიას გამოუვლინდა.

ამასთან, მეუფე საბამ ფეისბუქგვერდზე გავრცელებულ ვიდეომიმართვაში აღნიშნა, რომ მას კორონავირუსი არ დაუდასტურდა.

„ვიცი, ელოდებოდით პასუხს, მეც ველოდებოდი რომ თქვენთვის მეთქვა პასუხი – პასუხი უარყოფითია, არ აღმოჩნდა კორონავირუსი, თუმცა მომავალში დაბღვეული არავინ არის, ეს არ ნიშნავს იმას, რომ მოვდუნდე, არ გავითვალისწინო რეკომენდაციები, რაც სახელმწიფოს მიერ არის დაწესებული.

მაგრამ ერთი სამწუხარო ინფორმაცია უნდა გითხრათ, მეორე სასულიერო პირია ჩვენს ეპარქიაში დაინფიცირებული. თქვენი უდიდესი ნაწილი კარგად იცნობს ნიუ იორკში მოღვაწე მამა სპირიდონ ნარსიას. მას აღმოჩნდა კორონავირუსი. იცით, რომ ნიუ იორკი ეპიცენტრია და არ ვიცით, საიდან, ვისგან დაინფიცირება. ასევე გეტვით, რომ წინა შაბათ-კვირას მას მსახურება არ ჩაუტარებია და სახლის პირობებში მკურნალობს.

მინდა გთხოვოთ, ილოცოთ მისთვის, ისე როგორც მამა იოსებისთვის და ზოგადად, მთელი სამყაროსთვის გავაძლიეროთ ლოცვა“,- განაცხადა მეუფე საბამ.

ცნობისთვის, ჩრდილოეთ ამერიკის ეპარქიაში ეს უკვე მეორე შემთხვევაა, როდესაც კორონავირუსი ქართველ სასულიერო პირს დაუდასტურდა.

1tv.ge